

妙法蓮華經玄贊

卷三

二

妙法蓮華經玄贊卷第三

妙法蓮華經玄贊卷第三 大慈恩寺沙門基撰

方便品略開三門一來意二釋名三出體來意有三者依
八品為正宗中蓮花有出水開敷之二德妙法具果秀行疎
之兩能又經下言今此經中唯說一乘故以破三會二歸於
一乘為法花之正主故三周說延彼三根此品初說乘為利
驚之子以上根取勸於譬喻品中領解佛為述成授記
乃至天子說偈竟是第二周譬喻品中舍利弗請我今
无復疑悔下佛說譬喻利彼中之根四人信解佛說藥
草喻品為重述成便為授記是第二周化城喻品說往結
緣化城不寶利彼下根滿慈等領佛印述說便授五百
及學无學記是第三周自下更无說一乘處故但一乘是法花

體今既來集緣和誓之已畢機器符會正可陳宗且法說
一乘利上根性故序品後方便品來二者依子九品為正宗中
方便品下初十二品明一乘境安樂踊出明一乘行如來壽量
至常下輕合此五品明一乘果說境令知乘之權實勸應捨
權而取實聲聞悟此遂便得記來中分三初之八品正
明權實三根得記次之三品歎人美法勸募持行後持一
品稟命捨權持行實法科初八品与前无別故序品後方
便品來三者論云自此已下示現所說因果相與意徒前
序品之後明經宗旨所說因果體相之狀此有三釋一云所
說諸佛智惠為果能詮智惠教門名因如門為入室之所
由故教為顯理之緣蓮花但說二義因果故即智詮二云

三請已後明一大事開示悟入前三為果後一為因正是三垂之宗旨初揚智門之意欲發驚子等疑令其固請說一乘故蓮花二義雖解无量義經果秀因開此亦未爽通理由此即以開示悟入為果及因三云初智及門二因智果開示悟入三果入因教理行果俱法花故令識昔者教行方便說三今談乘體理果唯有一聽三乘之教解一乘之理行三乘之因證一乘之法花意也如前已釋此品具明此經所說一乘因之与果故序品後方便品奉釋名者方便房連及今為去音佛智有二真實智二方便智真實智有二者實法二者實智實法亦有二體實謂有為无為二真實謂真如妙理實智亦尔一如體實智即觀體實无漏真智

對凡妄智不知名實智根本後得二智俱是二證真實智
唯正體智此有五對一對知妄名實智二對知事名實智
三對知相名實智四對知詮名實智此之四種實智皆是
唯觀第四真智餘四所對如次皆是四世俗智五對知推
智名實智謂一乘理智對知二推智此依證智以第四真
智對後三俗智若依趣入智以第三真智對第三俗智方
便智有三或四進趣方便謂見道前七方便智進趣向
果名為方便所學有則曰方隨位順宜曰便二施為方便
善巧波羅蜜多後智妙用能行二利故名方便此曲有三
一教行方便言音可則曰方稟教獲安曰便二證行方便空
理正直曰方智順正理名便三不住方便在真入俗曰方自

他俱利名便三集成方便諸法同體巧相集成故名方便且真如中具恒沙佛法以智為門以識為門皆攝一切故菩薩地云此法善巧成是故名方便十地論云總同成別異壞以惣對別之方便也若惣有則曰方以少含多名便四摧巧方便實无此事應物摧現故言方便謂以三業方便化也此對實智名為方便利物有則曰方隨時而濟名便此體即於施為中出更无別義故體唯三今此有三接下方便唯初於下二顯上方便唯顯深妙三通彰方便遍於上下二接下方便者此經下云十方佛土中唯有一乘法无二亦无三除佛方便說又云正直捨方便以求无上道於前四中摧巧方便也此乃有三身方便執持糞

器而著垢衣伽耶成道等是三語方便下云我此九部法
入大乘為本又趣波羅奈轉四諦法輪等是三意方便
下云尋念過去佛所行方便力我今所得道亦應說三
乘等是上同古佛下順有情佛地經云成所作智起三業
化正与此同依此解云施為可則曰方善追據宜曰便往
生論云正直曰方外已為便方是方術便謂穩便之方名
方便二顯上名方便者无垢稱云有方便故解无方便故
縛此經下云我說是方便今得入佛惠一切諸如來以无量
方更度脫諸眾生入佛无漏智初設方便顯後佛智故理妙
可則曰方巧用能顯曰便其義深遠其語巧妙便通教理方
之便名方便三玄奘三通彰方便下經大衆疑云何故世尊殷勤稱

歎方便而作是言佛所得法甚深難解有所言說意趣
難知方便是惣下二句別佛所得法是顯上明今實有所
言說是接下彰昔三權又云佛悉知是已以諸緣譬喻言
辭方便力令一切歡喜接下顯上三皆通故即十二種方便善
巧波羅蜜多隨應配攝方者統情機之法軌便者濟物
理之要宜方謂方軌方法便謂要便宜便情謂有情機謂
機要統攝機情機要之軌法名方貴人貴法故物謂人物
理謂道理濟益人物道理之要宜名便濟人益法故此言意
顯濟人益法之軌則故言方便亦方亦便故名方便由此
義推乃通三擇即前三種合是十二種方便善巧波羅蜜多
瑜伽卅五說十二種中初六依內修證後六依外成熟內

六種者悲心願戀了知諸行欣仏妙智不捨生死輪迴不
深熾然精進外六種者令以火施等善感无量果令以
少戒等力引大善根憎聖教者除其悲惱處中住者
令其趣入已趣入者令其成熟已成熟者令得解脫此中
接下即外成熟此中顯上即內成熟此中通彰合是內
外十二種二十二種中為成後四復修六種方便善巧二隨
順會通將為說法先現更美可樂身語令生愛敬於法
起樂漸次為說彼不解空密意言教一切諸法无性无事
无生无滅如幻夢等如理和會彼經不說一切法體都无
所有但无所執可說自性據第二義无其自性既彼性事
都无所有之何生滅又如幻夢非如顯現亦非彼事都无

所有故說如幻令彼了知二共立要契見有來求先共立契
令知恩德供養恭敬持淨戒等然復与之三異分意樂
共立契已彼不速行以利益意先許不与先為親友隨順
化導彼不依學現憤恚相所作乖違詐不隨益此等摧
時外現棄捨非內意樂不為救拔四逼迫所作有自在力
於親屬等能正教戒不知恩德毀戒等者或斷所求驅
擯訶撫令正修習五施恩報恩曾於彼所有大恩德彼期
酬報勸令修善名大報恩六究竟清淨道果滿已往知
足天乃至下生成等正覺令生欣樂往生隨下請轉法
輪廣為饒益此中方便即是六中隨順會通會普三種
通今一實決擇唯識又說有二救濟方便善巧即外六種

二迴向方便善巧即內六種如其所應皆此所攝出勝性
者方便乃以惠為性无分別智內冥真境後得智中利他
說法能起方便之妙用故以後得智為性准識等說後四派
羅家多皆後得智故其能所詮性又各別因智而顯今
從根本故智為性下釋本文第七中有四初世尊曉喻
次鶖子領解次如來述成後佛為記別同中下根文各
四故此四之中初一即方便而後三皆在譬喻品中佛曉
喻中論判為五初歎法勝歎分吾成佛下第二歎法師
功德分尔時聚中漏盡阿羅漢下第三大眾定慧分佛告
舍利弗止之不須復說若說是事一切世間皆當驚疑下
第四定記分舍利弗諸佛出於五濁惡世下第五斷疑分

法為佛師人由法以成德人為能顯法假人以弘宣故初歎
法妙後歎人勝諸聲聞等於自所證已為定空聞歎所說
遂有疑生豈有之疑分佛心所為先已定說唱止邀令固
請亦令惡人退席既尔分明解釋其義故有定記令眾
人之內聞前所說又有疑者佛為重解故有斷疑分遂成
五分或分為二初歎法及法師如眾遂疑生後佛更為定記解
釋眾後疑生重釋此疑故分二也二品之中今科為四初二深
先唱警眾羣座之心次四眾驚疑發揚驚子之請三闡揚
實相契彼權門四勸發善心令欣作佛品末三行頌是
經今時世尊至不能知養目二深先唱警眾羣座之心立
中有二初長行後偈頌長行有二初歎所證所說法妙後

吾從成佛下歎如來身能證能說法而勝妙初中有二
初初標勝妙後所以者何下釋斯勝妙初中復二初顯
自在從定而起後告鴛子正陳所說安者徐也許者審也
論云以如實智觀從三昧安詳而起已告舍利弗者示
現如來得自在力故如來入定无能警寤故觀无量壽
處安名如實智觀佛定勝入已餘入不能驚佛今從
定契非佛自出餘不能令出故自從定起又顯於定中入
出縱任得自在故即由二義故從定起雖是无量壽三昧
多是第四禪功德勝故不告餘人獨告舍利弗者隨深智
惠与如來相應故謂舍利弗聲聞之中最為上品智惠利
根一聞即解最先悟入佛凡說法必應機緣由彼智慧最為

第二根法相并改名相。應云者相隨順義。非是智思相。似名為相應。根合佛法名相應。故不告菩薩論有五義。一為諸聲聞所作事故。妙法蓮花為聲聞說聲聞所作。捨於推乘非菩薩故。二為諸聲聞迴向大菩提故。今其發心趣大果故。三諸聲聞惡快弱故。若告菩薩即諸聲聞謂此大乘非為已分。心生怯弱不能進修。今告聲聞令除此意。是汝等分除怯弱心。四為餘人善思念故。令餘聲聞善思念之。其舍利非已蒙佛告我是彼流。亦應被告深生信仰。起修學心。五為諸聲聞不起所作已辦心故。昔諸聲聞謂所得擇滅果滿證圓所作已辦。今教汝等彼不知。入捨小心。菩薩於五事全不相應。故雖利根佛不正告傍。

告元奘告三乘人有疑悔者今皆折故正告不空性莊在
持所餘故所歎之法略有二種一者智惠二智惠門故證云
有二甚深一證甚深謂智惠二向含甚深謂智惠二門
之者即能證教智惠甚深即所證理梵云向及摩訶名為
教或闡為傳上古諸佛傳至今故此甚深義通教及理
然理正得其深之名門深乃難難見覺等二乘不知亦通
此三自餘別屬理教二法論意如此論說智惠者謂切
種一切智之義故一切智人之智名一切智之體通性相名一
切種即佛果位沮捺菩提或一切智者无分別智重言智
者是後得智義者境也即一切智人之智境故名一切智
之義何謂彼境謂一切種之者謂若空若有之為无為

有漏无漏若教若理名一切種、謂種類法體種類衆多
非二攝一切盡名一切種謂此一切種是一切智之境即此二
一切種境名所詮之智惠也今以理窮智惠有五攝一切法
盡方名一切種一智惠性謂真如故下經云唯佛究竟盡諸
法實相論自釋云如來藏性為體攬法成人之所成
即是智惠故引下為證二智惠相即无漏能觀正體後
得二智為體下云方便知見皆已具足盡思共度量不能測
佛智等是三智惠三教伴塵沙万德有為功德是下云如來知
見廣大深遠无量无礙力无所畏皆足等是四智惠因
謂能詮教及万行是下云其智惠門難解難入論云阿
含甚深又論引經云如來能說一切種之言詞又云盡行

諸佛无量道法等是五智惠境謂若空若々有々為无為
真俗諦境下去如是相如是性等是今智惠門既是方便
能詮教深故所詮理深即餘四惠義雖可尔然依諸教五
甚深中多唯惠性真如為體以何含甚深即昔三教
故證甚深即一乘體无上甚深是大菩提故勝鬘經中
說一乘體唯真如故即化城品之寶所也今此經中依
寶勝惠唯取智性智相為體菩々提々斷皆名為菩
提說智及智處皆名為般若攝一切故火宅牛車即智
相故牛車去作各与一故寶所舊有即智性故眾共取
故示悟知見即是二故由此有故餘三自成下去大事因緣
即唯此二若因若果謂此智惠是一乘真理其智惠門

是三乘權教惣標實推理教二別欲令二乘捨權取實
行因證果故勝鬘由此說二乘等四智究竟得涅槃者是
佛方便欲令捨二權而取一實故其證甚深論有二義一體
妙二難了體妙者論云證甚深有五種難了者論云又
甚深者一切聲聞辟支佛所不能知故其五甚深古來
唯依真如解者二者義深差別義也二者實體深自體
性也三者內證深正智內知餘智不得故四依止深法
界法性諸佛本故五无上深體寂勝故謂大菩提
即是所證无上等正覺果也若兼觀照智性智相合名
為五證甚深者其義甚深謂正智如之用故體甚深謂
真如法本性故內證甚深重顯正智內冥真如故所以名

深依止深者重顯真如一切德本所以名深无上深者謂
大之菩提之者如來所證阿耨多羅三藐三菩提无著
金剛般若論云无上菩提是法身三藐三菩提是報身
智故即通此之二種體過一切所以名深此為本意

若通義解或隨所應所詮四意皆有義體證依四深或

智惠相性伴境四法如次配初四種甚深唯无上深在大

菩提諸德主故又非喻所喻非思議所思議故名甚深上

來解深唯在智惠不通惠門准此解經惠門亦有五論

名總句同含深故即五難是无量者智性智相智伴智

境如其次第體通用寬德備法廣如空无限德數无窮

終必无盡故名无量然今但說智性智相二種智惠名

為无量體德作用皆具无限无窮盡故其門甚深亦有二義一體妙二難了體妙者論引經云其智惠門難見難覺難知難解難入具被五難了者二乘不知故由所詮義深故其門難見二由智體深故其門難覺三由智內證深故其門難知四由智依止深故其門難解五由智无上深故其門難入以教五難別配智惠五種甚深又智有二一凡二聖凡有二智一現二比凡現智不知名難見比智不知名難覺聖智有二有漏二无漏有漏世俗智不了名難知无漏智有二根本二後得初无漏智不知名難解後无漏智不知名難入者證解今此經中唯有二无漏智不知故言難解難入惣顯證教二難了云一切聲聞辟支佛

所不能知唯佛能知故佛今所以歎二深者論自解云
為諸大衆生尊重心畢竟欲聞如來說故為下將說乘
真實佛所得法甚深難解之由漸故先歎智深彰下
所歎有所言說意趣難知二乘為難之由漸故先歎門
深令其發心希所聞也不尔唯應歎智惠深惣攬万德
以成佛故經所以者至意趣難解贊曰此擇前標阿含
甚深此中有二初徵後顯所以者何者佛所得法所謂
解脫三乘同坐解脫之林二乘亦得方便言教亦已依
學如何今說此之二種皆言二乘不知之所以者何謂
也又此徵意佛之智惠二乘未得可名甚深其智惠門二
乘已得何名甚深云二乘不知若依初解所以者何所得

辭脫三乘雖同般若法身相性智惠彼所未得汝之
不知且智惠門彼亦未了故此以下但辭阿含八種甚
深欲顯二乘尚不能知教之甚深况佛智惠依第三辭
所以者何前徵教門深所以者何今當具顯故此已
下但顯教深論勝經有八句今此文唯六句准論應言
佛曾親近三十八百千萬億无數諸佛盡行諸佛无量道法
勇猛精進名稱普聞成就甚深未曾有法難解法者
如來能知隨宜所說意趣難解一切聲聞辟支佛所不
能知如今經中第六句難解法者如來能知如第八句
一切聲聞辟支佛所不能知故成八深第一句佛曾親近
百千萬億无數諸佛者受持讀誦甚深此顯世尊經

三大劫供養廿六恒沙佛於彼佛所受持讀誦此法門
故所以甚深非彼二乘略即能解故名甚深第二句盡
行諸佛无量道法者修行甚深諸佛福智二利道行皆
盡行故非如二乘略修因故名為甚深下皆准知第三
句勇猛精進者果行甚深果謂果成精純勇悍堪忍
勞倦所作皆成名為果成或由精進所作善成今獲勝
果名果甚深一句投火半偈捨身六年苦行七日翹足
非不專精勤勞得故第四句名攝普聞者增長功德
心甚深由名遠振凡聖普聞功已身勤加修斷自功
德心倍加增長或名遠振他之故皆增長功德之心一
切聞知故成甚深第五句成就甚深未曾有法者使

妙事心甚深由所成法是未曾有法使妙勝事能成
之心亦為快妙之心說故教難知第六句難解法者如
來能知者无上甚深由極難解法如來能知故此法門
得成无上或難解法體即无上唯佛能知故是甚深
第七句隨宜所說意趣難解者入甚深者名字
章句意難得故佛自住持入解此意不同外道自不
能解何令他解說因緣法甚深故入有二義一難入解
佛自解故二隨宜所說令人入法故意趣難解名為甚深
第八句一切聲聞辟支佛所不能知者不共聲聞辟支佛
所作住持甚深不同二乘所作外利所作內利住持故
成甚深上來總說由近諸佛受持讀誦修行果決增

長功德心證快妙事成无上法故隨宜說難可得解二乘
不了其智惠門名為甚深難解入故况佛智惠非甚深
哉經舍利弗^三至種^八譬喻贊日上歎所證所說法勝妙
下歎如來能證能說法師勝妙依論時經次下應云何
以故舍利弗^九諸佛如來自在說因成就故舍利弗如來成
就種^{一〇}方便種^{一一}知見種^{一二}念觀種^{一三}言詞^{一四}此上為惣下釋上
言舍利弗吾從成佛已來於彼^{一五}處廣演言教无變方
便引導衆生令離諸著等展轉意言如來身於所證
理成就自在說因圓滿是以今說所證智惠及智惠門
二皆甚深何等名為說因成就謂種^{一六}方便種^{一七}知見
種^{一八}念觀種^{一九}言詞^{二〇}此中初三合名因^{二一}緣^{二二}道理也言

詞名譬喻也言詞多說諸譬喻故准論解經譬喻以上
名為惣句廣演以下名為別句展轉訛譯論有三解初論
自別釋初四句次論以經下諸句兩者配此四句其後三番中
初三義二處明第四義二處明初番別解云如來成就四種
功德故能化度衆生二往成就謂種々方便從兜率天退
乃至示現入娑繇故能往十方起難思化八相成道利益
衆生摧巧智用故名方便八相者大般若經第五百六
八卷說一從兜率天即入胎相二嬰兒三童子四苦行五成
道六降魔七轉法輪八入般涅繇何故示現八相者彼經
云余時寂勝天子復白佛言云何菩薩行深般若若為度
有情示現諸相佛告寂勝甚深般若相不可得諸菩

產相亦不可得但由方便善巧威力為有情類示現入胎乃至濕縑種々化相諸天計常謂无墮落是故菩薩為破彼執示現入胎因令彼天起无常念世間寂勝於欲不添尚有墮落况餘天衆而得常耶故勿放逸加勤精進繫念修道如見日輪尚有墮沒即知螢光不得久住復有諸天放逸著樂不修正法恣情遊戲雖与菩薩同處天宮不往礼拜不諮受法各作是念今且受樂明誼菩薩當受法要共相謂言我与菩薩常此同住修行何晚是故菩薩如救頭然破放逸行示現墮落如是示現有二因緣一令諸天離放逸故二令有情咸得見故乃至第八復有諸天樂聞圓寂菩薩為彼示現濕縑攝大乘論

第九卷中有以差別花嚴經中示現十相皆廣如彼二
教化成就謂種々知見示現染淨諸因故由具知見於化
身中能示現有一切染因集能招苦一切淨因道能識滅
或示染淨諸法道理因者所以道理義故前能現身以
於身中示有諸法染淨道理論下解此與第四別以說
證法彼依說法故三功德畢竟成就謂種々念觀以說
彼法成就因緣如法相應故此意說言所說種々念觀等
法彼念觀等佛皆成就如所說法本末因緣皆相應
故言相應者契會證義四說成就謂種々言詞以四无
礙依何々等々名字章句隨何々等々衆生能受為說故依
何等者何等義也即義无礙解何等名字章句者何

等之名字章句法无礙解也隨何等者隨何等方衆生
言音而為說故即詞无礙解何等衆生能受為說者何
等衆生根器能受佛便為說弁才无礙解也此四之中第
一能起化身八相成道第二能示現有染淨諸法道理第
三如所說法皆畢竟得第四具四无礙由佛法師具此
四種說因成就成勝妙故其所說法亦為勝妙或前四
種第一句是化身德第二句是報身德第三句是法身
德第四句四弁具足由此三身四弁具足故能起說三身
具故智惠甚深四弁具故惠門甚深故此回緣即前三
種方便和見念觀三也譬喻即是種々言詞經廣演言
教至離諸著費曰上依論文一番別釋惣四句已論復

第二以下經句配此四句此即第一種之方便次下所以者何如來方便知見波羅蜜皆已具足為第二種之知見次舍利弗如來知見至解脫三昧為第三句種之念觀次深入无際乃至本末究竟等為第四句種之言詞本論雖以下經文別配上惣四句然初以兩番釋上句已復以兩番釋後一句彼論文長乍披難解應依與讀此中初番釋去復有義種之方便者示現外道邪法種之過失諸佛正法種之功德故如經舍利弗吾從成佛已來廣演言教无數方便引導衆生於諸著處令得解脫文雖必異大意亦同釋无數方便有四番方便者方便令入諸善法故二斷諸疑故三令人增上勝智故

四依四攝法攝取衆生令得解脫故此六釋中迴邪入
正進善破惡自入勝智令他解脫如次配之以此方便引
攝導一切衆生令離諸著者執本愛深生死之根
本故論云諸著者彼處著或著界著地著分著衆
著界者著三界著地者戒取三昧初禪定地乃至非想
非想滅盡定地即以九次第定為地戒取見取執此
三昧故著地著分者著在家分已之同類作種之惡業
邪見等故著出家分名聞利養信種之覺察煩惱等故
著衆者著聲聞乘樂持小戒求四果等故著大乘者
著於大乘利養供養恭敬等故由著分別觀種之法根
乃至分別佛地故所以者何至皆已具足贊曰具第二

句論初番云復種、知見者自身成就不可思議境界不
與聲聞菩薩同故如經舍利弗如來知見方便到於彼岸故
到彼岸者勝餘一切諸菩薩故又不同義意死別知見
者真俗二智即根本智名知後得智名見方便者此
智妙用方便善巧由自成就不思議境界故具知見與
聲聞等名為方便波蜜者到彼岸義明佛成就三
勝智體故能成就不可思議境界已到彼岸勝餘一切
由具方便二智妙用故復能令他到彼岸故能以不可
思議境界知見亦與聲聞菩薩經舍利弗等辭脫三昧
贊曰此第三句論初番云復種、念觀者如經舍利弗
如來知見廣大深遠无障无礙力无所畏不共法根力

菩提分禪定解脫三昧三摩跋提皆已具足故文意大
同多少義別知見廣者无邊大者无上深者難測遠者
時長窮未來故以上乃是諸德惣句二智為性故云知
見又此諸德亦是二智眷屬所攝故云知見无量已下
諸德別句依此經文无量者四无量即論勝經无障也
无礙者四无礙解力謂十力无所畏者四无所畏論本
勝經中不共法十八不共法也根謂五根力謂五力菩提
分謂世士與上四種經本所无禪謂色界四靜慮定謂四
无色定解脫謂八解脫三昧者謂三昧三摩跋提謂九
等至此之一種經本无論勝經有十三門今此經中含有
八門功德名為念觀體即明記之惠解故不可廣解義

門各應略為分別四无量以五門分別一列名二釋名三并
行相玄贊三四出體十二五并差別列名者謂慈无量悲无量喜无
量捨无量也釋名者緣无量境緣一切有情起此四故
二起无量行之解亦復極廣大故三感无量果得大梵福
成如來故名為无量四者是數帶數釋也并行相者法界
有情惣為三類一无苦无樂者无倒与樂名慈无嗔為
體二有苦者拔苦名悲不害為體三有樂助善名喜
不嫉善根為體後於无苦无樂者起離寢想於有
苦者起離嗔想於有樂者起離貪想平等欲令離諸
惡故名捨善捨為體出體性者合以三法謂无嗔不害及
捨不嫉即无嗔无別法故并差別者此各有三有情緣作

有情想二者法緣不見有情唯作法想三元緣復於諸法
離分別心作真如想名為无緣或法无量緣諸教法此三
之中初共外道次共二乘後唯菩薩初三安樂後二利益
感果可知与大慈大悲大喜大捨有差別者彼唯實觀
唯佛所起緣三界生并无癡俱此通假實通凡聖起緣
界不定并无癡俱四无礙解以三門分別一列名二并相三
出體列名者一法无礙解二義无礙解三詞无礙解四并
才无礙解并相者法謂能詮名句文聲義謂所詮真俗諦
理詞謂諸方音聲并才謂七種并才緣此四智无所拘
礙名无礙解有多差別如波擇菩薩地及十地論出體
者此四多以无漏後得智為體非證真故義无礙解亦

通正智初地分得九地任運離障四成佛果滿足十力
略以五門分別一弁名二出體三行相四次第五諸門弁名
有二列二釋列名者一處非處智力二自業智力大般若
五十三名業異熟智力三靜慮解脫等持等至智力彼
名靜慮解脫等持等至雜染清淨智力四根勝劣智
力五種勝解智力六種界智力七遍趣行智力彼名遍
行智力八宿住隨念智力九死生智力十漏盡智力釋
名者初惣後別惣名力者能摧悉敵義不可屈伏義
瑜伽菩薩地第卅九五十及決擇第五十七菩薩藏經第五
顯揚第四對法第十四大般若經皆釋此相与一切種利樂
有清功能相應畢竟勝伏一切魔怨大威力故說名為

力故以威勢能摧難屈名力對法云善降衆魔善記
問論故十名力十者是數力用不同有此十種故名十
力依六釋中帶數釋也別名者因果相當名之為處若
不相當名為非處故瑜伽云淨不淨果非不平等如轉
實因是名為處者建立義依義起義能建立果為依
能起於果法故因立處名不平等因與上相連是名非
處於此二種一切智无滯智清淨智離增上慢智名之為
智力義如前各自所作三世三業或順現受或順生受順
後受不定名為自業於此正知名自業智力此於善惡業異
熟果中而生知解亦名業異熟智力靜慮者四靜慮解
脫者八解脫等持者一切有心定等至者一切有心无心

定於此正知名靜慮解脫等持等至智力此等諸定通
有漏无漏亦名雜染清淨根者信等五根此定中上名
為勝劣於此正知名根勝劣智力若從他信以為其先
或觀諸法以為其先成定中上愛樂勝解名種之勝解於
此正知名種之勝解智力若廣建立種之種性或一乘或二乘或三乘或四乘或五乘或貪嗔癡等分行等乃至有情
全十行名種之界之是性故於此正知名種之界智力
若即如是諸趣門中隨順正行如貪行者修不淨觀
等名遍趣行或趣一切五趣之門或諸外道沙門婆羅
門各之異見品類諸行或此他世无罪趣行名遍趣行
於此正知名遍趣行智力於能通行諸趣之行而了知

亦名通行。若於種。有情衆中四方名字假設安立
品類差別。隨先過去所有自體八言說句。如是名二生
類三種性。四飲食五受苦樂六長壽七久住八壽量邊際
於此八中隨念六種略所行。有元量種宿住隨念六略
行者一呼占假名二刹帝利等色類差別三父母四飲食
方軌五興衰六壽量等。此宿住是過去境住宿世故。於
此宿住而起隨念。俱行智名宿住隨念智力。諸有情
類臨欲終沒名爲死時住。在中有名爲生時。於善惡
趣死時生時皆能正知名死生智力。一切諸法漏及隨
眠无餘永斷名爲漏盡。於此正知名漏盡智力。智者是
體力是作用。智體即力更无別性。此中宿住隨念相應智

力是隣近釋自餘最初處非處乃至漏盡是所觀境
智力是能觀智處非處乃至漏盡之智力皆依主釋
宿住是境隨念相應智力是能觀亦依主釋三出體者
決擇分五十七去佛具知根惠根為對法論云若之若
惠及彼相應諸心之所為體菩薩地云謂總五根為其自性
雖復三文不同然體有五藏勝體故決擇分佛具知根
惠根為性三引生體故對法云若之若惠三引實體菩
薩地云五根為性由惠勝故且說十力惠為自性所以但
言處非處等智力不言信力精進等力依此知會定
擇分文說四相應體對法又云及彼相應諸心之所四蘊
為性五眷屬五蘊為性定共道共无漏色等即為體故

此維元文理必應尔遮犯戒垢助摧惡故餘之三門如
垢稱疏第一卷說四无所畏以五門分別一弁名二出體三行
相四次第五諸門亦如菩薩藏經第五大般若五十三顯
揚第四瑜伽五十對法十四弁名有三列二釋列名者
正等覺无所畏二漏盡无所畏三障法无所畏四出苦道无所畏釋
名有二惣三別惣者四是數名无所畏者於此四處能自
了知坦然无所畏心无怯劣无所疑慮都无驚懼故名无
畏別名者正覺諸法等覺諸法名正等覺諸煩惱漏
塵現俱斷故名漏盡說障礙法深必為障故言障法說
出離道諸聖修習定定出苦名出苦道於此四中得无
所畏皆依主釋出體性者五十七云以信進念定惠及具

妙法蓮華經玄贊卷第三

知根為性對法云若定若惠及彼相應諸心之所又言若
起作用後得智為性若性自性正智為體此體有五
勝智為體發起之惠為體談實五根為體相應四攝為性
眷屬五蘊為體行相者如經言世尊自稱我是正覺者復
有以門或非以門從他方來佛惠勞言安樂住不乞食得
不遂於此中有立難云言正等覺无所未知今問於他
一何事遂我於此難正見無由得安隱住无怖无畏自稱
我廣大仙尊世尊所以者何憫受來者今發勝心聞佛惠
問發道心故欲令諸人審諦求事佛知尚問況餘不知
亦為後人作法華其軌範見來發心應為引攝非佛不知仍言
等覺又如經言我諸漏盡後時天授行諸惡行佛常

罵之執曰調順佛常更語遂有難言之諸漏盡煩惱
並亡呵叱天授受語執曰貪嗔未滅漏寧盡邪一何乖
返我於此難正見无由安隱无怖處大仙位天授辟之惡
罵楚毒方調若不叱呵返言怖我執曰喻之惠象隨逐
人心故以惡言即能調順非有貪嗔漏不盡也又如經言
佛為弟子說摩竭法源必為障復不遮彼須流果有真
子等遂有難言源必為障聖畜妻子一何乖反我於此
難正見无由安隱无怖處大仙位邪行障諸聖道盡妻障
離欲道初二果入既未離欲性戒多成故除邪行不斷妻子
斯有何失故諸染法非不障也又如經言我為弟子說
出離道諸聖修習決定出離決定通達復有无學迦

隨天理之義壞爲極魔羅獄火焚身遂有難言聖道
久修莫離衆苦无學既還受苦何用修道之爲一何事
我於此難正見无由安隱无怖慮大仙位實得无學苦
果之曰爲現惡因必有苦報由此聖者示相受苦是後故
故或苦異熟无學不受惡業盡故有必障果不成无學
彼言无學受彼苦者現居有學猶未欲成无學故
与聖名兼得神通非不還等世五通故或无學苦非是業
招諸異熟苦必已出故如涅槃經廿九辯三時業至无學
位排諸惡業一切不受說未入聖名為定業其入聖已不名
定業廣如彼說故阿羅漢受无苦果後之二門亦如无垢稱第
二義疏禪謂色界四靜慮謂初有尋有伺靜慮第二離

尋有伺喜第三離喜有樂第四已離喜樂捨念清淨靜慮
定是四无色謂空處識處无所有處非想非想處解脫謂
八解脫以三門分別一列名字二顯行相三出體性列名者依瑜
伽第十二二十五七十三攝事分第八并對法十三顯揚第四第二
及第六菩薩藏經第四等說內有色觀諸色解脫內无色
想觀外諸色解脫三淨解脫身作證具是住四空无邊處解
脫三識无邊處解脫六无所有處解脫七非想非想處解脫
八想受滅解脫身作證具是住顯行相者俱舍第五九說內
有色觀外色名初解脫內未伏除見者色想觀外諸色以
為不淨名觀外色今則不然准對法文初修業者身在欲
界已離欲界欲未伏无色之伏除見者色想未離色界欲故

若久習業已離色界欲見者色想安立現前而觀欲界一切
所有內外諸色作光明想由前三解脫引發勝處遍處等
故即觀勝處遍處多事色作光明想由除變化障故作光
明想不除貪欲故不作不淨想有伽唯云未得无色定未
離色界添觀外諸色是初解脫者唯依初業說故第二
解脫俱舍論說內已伏除見者色想唯觀外境而為不淨
名內无色想觀外諸色天乘不然准對法云久備業者已
依无色定伏除見者色想初習業者或見者无色想安立
現前而觀外色作以多事想不同於初觀內外色等皆作
光明未自在故此唯觀彼已離欲色作多以等名觀外色
已離染故立以外名觀心漸勝故稍略觀故瑜伽云又不思惟

彼想明相但於外色而作勝解即觀以多等不作光明等
若於是處已得離欲說彼為外故唯觀彼已離染色名之
為外又由初解脫觀外色不言外其內有色亦不言內通
界內外根塵等色作光明想故今此第二內有色有根等
色故其觀外色唯觀外塵作以多等不緣根等作以
多等故喻他又云无色界之不現在前者此說觀外色不
依无_二色_一定不能緣外色故或已離色界欲不依无色
定伏除色想但依色界色見者无色想而現在則故作是
說上三解脫初作光明想後作以多想初寬後狹兩觀有
殊顯揚下說此三解脫為除變化障為其變化得自在
故變化既通四靜處有故初三解脫通依四靜處初作多

依初二定有但在根本非近分地被欣趣修都无通果此
容預修有通果故不同俱舍初二靜慮能除欲界初靜慮
中顯色貪故作不淨觀第三解脫俱舍論說清淨相轉
作淨光解行相轉故唯第四靜慮離八定患心澄淨故餘
地雖有相似解脫而不建立非增上故今者大乘謂如有
一人已得捨念圓滿清白以此為依修習清淨聖行圓滿於
內淨不淨諸色已得展轉相待想展轉扣入想展轉二想
是第三解脫行相謂持諸淨色於餘色中謂為不淨非
不相待若難見二類淨與不淨二覺无故是名初想又於
淨中不淨住所隨入於不淨中淨住所隨入由於彼障薄
皮所覆共謂為淨之中現有世六種不淨物故是第二想

如是旋轉想一切色合為一味清淨想解是第三想乃名成就
唯第四靜慮地有捨念淨故論說無過諸苦樂故一切動
亂已寂靜故善磨瑩故餘地不然故唯第四此亦內无色想
而觀外色由前已說故略不論而立異攝次四无色解脫俱
舍論說以四无色定善為性非无記添已解脫故亦非叢
善性微劣故近分解脫道亦得解脫名无間不然所緣
下故彼要背下地方名解脫故多說根本者近今非全
故今者大乘皆已離自地欲依自根本地重觀自境思
惟勝解令障更遠引生勝德謂如有一於彼空處已得離
欲即於空處思惟勝解是名空處解脫行相於彼識處
已得離欲即於是識思惟勝解是名識處解脫行相於

无所有處已得離欲於識无边處思惟勝解是名无所有
處解脫行相空識二名自地所緣行相為攝无所有處以
識无有為自地名故於識處思惟勝解於有頂地已得
離染更不於餘而作勝解乃至遍於想可生處即於是
處而作勝解无所有處名想生處今緣此无所有心心所
名非想非々想處故遍於此思惟勝解至下當知上說離
染依无學說故喻如去前七解脫於已解脫而生勝解身
證者得若依唯識有二師說一云次初定已上染得滅定三
云伏第四定已上染得滅定无所有處已下染可有伏義今障
轉述引生勝德有頂地定未能伏故喻如第十二空離二
解脫有說離自地染言上之二地无說離自地染字有學无

學影略說故唯在根本亦非近分滅盡解脫大小俱說即
滅盡定而无行根弃想受故然將入時有二行相謂依非根
非之想處及无想界想初修久熟二入別故出體性者俱舍
論說前三无貪性眷屬五蘊性次四无色之善為性第五滅
定住大乘之中三十七卷解五法中云世間出世間正智為性有
漏者以分別中世間正智為體无漏者即无分別智及有
得智玄發三唯惠為性大緣色非色及真如境離諸定障引生勝德
非餘能故若相應體初七以四蘊為性眷屬五蘊性故對法
云若定若惠及彼相應諸心所无色界中許有定道无表色故
第八解脫以止二法種子上厭心功能為體即不相應行蘊所攝三
昧梵語此云等持即三等持謂空无相无願三等持至下當釋

般若五十三大三境俱同俱緣空故然依論引經更有五德恐
繁不述論重釋上三句中後第二番釋次上三句云又第三成
就可化衆生依止善知識故謂能引導有菩提性可化衆
生未發心者令依善友離諸著故名為方便引導衆生
第二成就根熟衆生令得解脫故謂令久發心者得解
脫故名方便知見波羅蜜第三成就力家自在淨降伏故
謂佛內成種々功德是故外能屈伏煩惱蘊死天魔名之為
力其禪定等皆是世尊所栖止處名之為家由力自在故
能降伏由家自在故淨諸障又曰栖止禪定等為家故得自
在神通業等由成死量无礙力等故能淨諸障降伏外道
等名如來知見廣大深遠依論本重兩番釋經上三句已次

以經下七句擇上第四標句種言詞亦兩番解初配經後重釋
經深入死際至末曾有法贊曰以七句釋第四言詞此經唯有
初之五句第六句闕第七句以至文當悉論去第四說成就有
七種此即初句種成就理事空有世間出世間未曾有法
甚深入故洞曉无涯故能起彼種言詞際涯畔也經合
利弗至悅可舉心贊曰此第二句論名語言成就佛得五種
美妙音聲說諸法故大智度論說五種音聲從佛口出
甚深如雷二清徹遠聞者悅樂三入心敬愛四諦了易解
五聽者无厭能弁有漏无漏等義甚深如雷名種分別
諸法諦了易解名巧說諸法之言通上分別慈悲敏
念聽者无厭名言詞柔濡清徹遠聞者悅樂入心敬愛

名悅可樂心初三各二後攝二經舍利弗至不須復說贊曰
此第三句論名相成就然彼條經无取要言之以下佛悉
成就以上文唯有止以下文論云有法器眾生心已滿足故
名相成就三法器有二真一假真即舍利弗等渡謂增上慢
者為真法器眾生聖心已滿者心樂妙法唱止現相令邀
其請佛令玄贊三十九所以唱止不須復說何等法邪為假法器眾
生自謂聖心已滿足者心不樂法在坐未去唱止現相令
其起去諸法解脫我已得訖更有何法止不須說耶故名
為相如世間人共會一處亦有樂聞不樂聞語時能語者言
止不須復說之何益令樂者請語不樂者起去亦為前真
者令問取一乘故名為相經所以者何至難解之法贊曰此

第四句論名堪成就本无徵詞一切可化衆生知如來成就
希有功德堪說法故謂舍利弗等善根熟者名可
化衆生知佛成就第一希有難解功德堪說法故經唯佛
与佛至諸法實相贊曰此第五句論名无量種成就說不
可盡實相者謂如來藏法身之體性不變故佛智具
知其實相體窮源底故名爲究竟不但成就有爲功德
无爲功德佛亦究竟故言无量種成就說不可盡此經脫
第六覺體成就如來能知一切諸法佛自證得故亦以第七
隨順衆生意爲說修行法成就如來能說一切法故此經所
言所謂諸法如是相等是此第七所說諸法佛所現見法
无所不見上來初番論解經中言詞七句已論第二番復以七

妙法蓮華經玄贊卷第三

句解種々言詞配此七句云第一種々法門攝取衆生入於佛法
故深入无際第二令不散乱住故以教貫衆生令不散乱專
心住境希欲聞故遂能種々分別諸法第三令取故令根
熟者問取一棄故唱止不須說第四令得解脫故令根熟
者皆得解脫故佛成就難解之法第五令彼修行成就得
對治法令修行者得於真際性對治法故能究盡諸法
實相第六能令修行進趣成就故令修行者進趣成就
得淨妙智由此如來能知諸法第七令得修行不退失故
令彼修行得滿足者復為他說不失利益故佛能說一切
法要由佛自成此七種故能令衆生漸隨所化以論配上
經文七句鈎瑣相起如理應知初四住權次二住實後外化何

故配經方便知見念觀三句作第三番釋也論云又与教化
成就者依證法故如是次第謂方便者令根未熟可化
衆生令依善友其知見者根熟衆生令得解脫其念觀
者解脫衆生令成力家諸功德故此依次第證法而說教
化衆生何故配經言詞七句作第三番說也論云依說法說
故如是次第如次前說次第可知恐繁不述是故論云又
与教化成就者依證法故又說成就者依說法故此二種
法如向前說論云依此三種法有何次第依之而得修行
者內證及說次第而依修行即彼前文句再說應知者前
論再說方便知見念觀三種依證次第再解言詞七句次
第依說次第故如是次第說既如是依之修學即證次第

結前義也勸學者知或此料簡初番別解四句中第二
教化成就第四說成就二種差別經所謂諸法至究竟菩
薩曰此顯第七句佛所說法依證而說故論別經有五句
謂何等法云何法何似法何相法何體法論有四釋第一
番依捨難就實乘解初說三乘名何等法次於二乘起
種事說名云何法次依三乘門修行清淨名何似法次明三
乘唯一相故名何相法後究竟唯一佛乘死二乘體故名何
體法第二番依展轉訛釋法何等法謂有為死為法云何
法謂因緣非因緣等以因緣生釋有為非因緣生釋无
為何似法謂常无常法等以常釋非因緣生无常釋因緣
生何相法生等三相法不生等三相法以有生等法釋前

无常以不生等釋常何體法謂五蘊體非五蘊體法五
陰即生等非陰非生等第三番但解後三句唯候有為解
其初二句不異於前所以不解論云何似法者謂无常有
為因緣法何相法者謂可見相等法何體法者謂五陰
能取所取五陰是苦集體故亦是道諦故如論可解第
四番依說法之用說何等法者謂以名句字身說故云何法者
依如來所說之法而說之故何似法者能教化可教化衆
生故何相法者依音聲取故謂今聽者依於音聲取所
詮法故何體法者假名體法相故雖今依聲取所詮法
性離言故所詮者假名體法非稱法實不令依文便生執
著然今經文恐人不解翻譯之家還依第二展轉訛釋法而

釋然以不次以義正之不違聖教若別義釋便是人情非
為聖教如是相如是性合是第二何等法相是有為性是
无為故如是體者是第五何體法謂五蘊體非五蘊體故
合而為文如是力如是作者合是第三何似法力謂常法
有力能故作謂无常法有造作故如是因如是緣如是
果如是報合是第二云何法因緣果報之中有為是因緣
所生法无為非因緣所生法建立果義名因成辦報義名
緣親得果名因疎得果名緣四果名果異熟名報如是本
末是第四何相法生等三相法是末體是事故不生等三
相是本體是理故究竟等者重解理本法性究竟也本
論勝經更有何等云何似何相何體佛重以此顯前五義

更无別理經今時世尊至无能測量者贊曰下世頌之為
二初十七頌半頌前三妙後三頌半勸發信心顯今說實初中
復二初二頌懃頌二妙後十五頌半別頌二妙此即初也初二
懃歎法師後二頌懃歎法妙懃歎佛身及所成德法妙也
經本從无數佛至難見難可了贊曰下十五頌半別頌三
妙於中分二初十四頌法妙後二頌半頌法師妙初中分五
初二頌讀誦修行二深次二頌果行增長功德心使妙心三
深次二頌无上深次二頌半頌入深後九頌半頌不共三乘住持
甚深此初也不頌標文但頌入深本從无數佛受持讀誦深
也具足行諸道修行甚深由此二故其智惠門難見難了
經於无量億劫至我已悉知見贊曰此頌果行增長功德

快妙心三深由精進勇猛於无量劫行此諸道果行甚深
善名遠振增功德心道易得果我悉知見故名快妙心甚
深希法皆成就故經如是大果報至乃能知是事贊
曰此頌无上甚深性謂道理相謂事義前脫此文難解法
者如來能知今此文有經是法不可示至信力堅固者贊
曰此頌入甚深者佛所說法名字章句意難得故卒
難入解故名爲入又佛自住持是深法中故名爲入不同外
道雖說諸法自不能入由佛此真說因緣理唯佛自入餘
不能知意趣難解故名入深論云佛自住持不同外道說因
緣法甚深故此經云是法不可示言詞相寂滅因緣道理
絕語言故諸衆生類无能得解除諸菩薩信力堅著初

也已上得四種證淨信佛法僧戒故能信法說而未圖證

如是二妙故^{以法三}此下去不退菩薩亦不能知者不能圖證

非不信知^世雖見道前比信亦非證信故更非堅固所以不

說經諸佛弟子衆至力所不堪贊曰下有九頌半頌不

共二乘所作住持深中分三初四頌、聲聞不知二頌、辟支

不知三頌半頌菩薩不知長行但有二乘不知因顯彼不知

亦說菩薩不知聲聞不知中分三頌半頌惣頌一切聲聞不知

一頌別頌皆如利根鷲子不知二頌半別顯皆如利根鷲子

并餘弟子共度不知此即初也曾近善友諸漏皆盡住阿

羅漢此最後身有是三德其智慧力不堪能知經假使

滿世間至不能測佛智贊曰此明世間皆如鷲子利根第

妙法蓮華經玄贊卷第三

盡情思共度量亦不能知既不知佛智故智惠門難而難
入盡音茲羽反任也窮也或秦引反本盡之盡思音息字
反无息慈反不尔便与度量无別經正使滿十方至亦復
不能知贊曰十方利根皆如鷲子并餘弟子亦滿十方共
度亦不知經辟支佛利智至莫能知以分贊曰此三頌辟
支不知辟支望聲聞名利根麟角望部行亦名利根亦復
不知若未入聲聞受分善而作獨覺便成麟角入決擇
分已後作者皆成部行在解脫分未定生時可成麟角
生數多故已定生者亦成部行生數少故經新發意菩薩
至不能知佛智贊曰下三頌半菩薩不知中分二初二頌半
九菩薩不知一頌十地上聖亦不能知此初也新發意菩薩

具六種德一親近二達義三善說四觀察五一心六長時調度
亦復不知梵去刹多羅此去國土也有大國亦去土義譯之
耳字音本无此字說文作刺楚乙反刀割物聲來音七
聲也經不退諸菩薩至亦復不能知梵曰此上聖不知或
初二頌半七地已前不知初地已上亦名初發意證發十種心
故後二頌八地以上不知亦名不退發前門甚深有此種今第八
中歎佛智者顯智深故其門亦深或十四頌別歎法妙中
初六頌歎智門妙准前科配其中末後二頌半頌不共深故
次八頌之歎智深三乘不知佛智惠故准義科頌則可知矣
經又告舍利弗至十方佛亦然梵曰此二頌半頌總歎法師
妙无別頌也經舍利弗當知至要當說真實梵曰下三

頌半勸發信心顯今說實中分二初頌半唯告鷲子顯
今說實後之二頌普告二乘顯初方便此初也汝既未證我
之所說於我所說當生信心經告諸聲聞衆至引之令得出
贊曰此二頌普告二乘為二初頌普告至涅槃者後頌顯佛
化以三乘之意由露著界地故引之令出且說三乘理唯
有一此會唯有聲聞極果緣覺即无故言及求緣覺乘
聲聞不尔經尔時大衆中至各作是念贊曰第二段四衆
驚疑發揚鷲子之請有三度請故佛止亦三止皆居前請
皆在後論釋三止云初止為相令問取一乘次止欲令大衆推
覓深境渴仰欲聞後止欲令惡人退席至下當知又三請
中初挾自他疑故請次陳大衆於餘佛所已植因故請後

述自他已從今佛化堪聞故請論判五段中自下第三大衆
定疑分於自所證心生決定於佛所說遠有疑生若依四
衆驚疑發揚鶖子請中請既有三文隨三段初止既屬
前唱一乘二止攝屬此請文中初請分二初大衆疑後鶖子
請論說第三定疑分有三云自此以下依三種義示現一決
定義二疑義三依何事疑義初二義在大衆疑中依何事
疑義在鶖子疑中大衆疑有二初標疑衆後申疑意此初
也經今者世尊至所不能及贊曰下申疑意有二初牒
所疑緣由後正申定疑此牒佛前所說疑緣由佛所得法
其深難解者牒前佛說諸佛智慧甚深无量有所言說
意趣難知者牒佛前說其智慧門難解難入此二深故二

乘不知初是顯上後是接下合名方便何故佛歎此為疑意
經佛說一解脫義至是義所趣贊曰下申之疑謂到於沮
懣已上名為決定義於自所證有為无為果法決定之久已
无疑而今不知是義所趣名為疑義謂於前說佛所得法
甚深難解有所言說意趣難知中而今不知是所說義何
所歸趣意趣如何說何宗趣故名疑義趣音七句七俱二反
今從初反謂疑意云若說解脫我已得之又說難知意說
何法故論云決定義者有聲聞方便得證深法作決定
心於聲聞道中得方便沮懣證故如是二種法示現有
為无為法故如經介時大衆中乃至亦得此法到於沮懣
言二法者謂方便及沮懣證方便者有為能證生空智

道涅槃謂元為所證生空理於此能得此二中得決定故
論云疑義者謂聲聞辟支佛不能知故是故生疑如經
而今不知是義所趣故經今時舍利弗至難解之法贊
曰下鶩子請中有二初長行後偈頌長行分二初中疑後
請決此初也依論下是第三依何事疑義者如來
說聲聞解脫與我解脫不異三乘同坐解脫林故是以生
疑者生因中疑因謂所由云何如來數宣說甚深境界
前說甚深後說甚深不同聲聞與佛解脫既等更何
不同除此已外不同何法於此所由而生疑感大般涅槃有其
三事摩訶般若解脫法身解脫雖同般若法身即是佛之
智慧性相一乘果體彼所未得四眾不解所以生疑如經今時

舍利弗乃至而說偈故何因者何道理所以何緣者何事緣
由緒諸佛第一之方便此為惣句下別顯此甚深微妙即佛智
惠難解之法即智惠門牒前二故此中疑者是法執類異
熟生攝經我自昔來至難解之法贊曰此請決牒自既未
聞四衆疑起故願佛說敷施演說也經今時舍利弗至不可
思議贊曰十一頌中分四初三頌半頌前中稱歎諸佛第一
方便其深微妙難解之法三頌前四衆咸皆有疑二頌半頌
我自昔來未聞自疑三頌請唯願世尊敷演斯事初中
分三頌半頌前佛自告中如來知見廣大深遠无量无礙等
法師歎二頌前所得難解所說難知法妙也二頌合頌歎法
及法師歎无問而自說此初也惠曰大聖尊者以佛智惠猶

如曰故涅槃經言辟如曰初出光明甚暉炎既能還自照亦
滅一切暗佛之二利亦復如是增一阿含經說日出有四事者
日出之時衆暝皆除一農夫作務三百鳥悲鳴四嬰兒啼哭
佛告諸比丘若日出時衆暝除者喻佛出世除去癡暗靡
不照明農夫作務者人民之類普共田作此譬檀越施主隨
時供給衣服飲食牀席卧具病緣醫藥百鳥鳴者辟如
高德諸法師等能為四衆說微妙法嬰兒啼哭者此喻
弊魔見佛出世心大愁惱亦如經中讚偈言如來金色如
山王亦如日出照世間能拔衆生長夜苦故我頂礼三衆王
故今我讚佛云惠曰也久乃說是法者成道多年不曾顯
說今方說之故云久也此上三句標下一頌之標前說種之念

觀經道場所得法至亦无能問者贊曰上半頌前所得難
解善提涅槃智慧甚深後半頌前所說難知智門甚深以
二乘不知故此无問者經无問而自說至諸佛之所得贊曰
上半合頌歎二妙无問自說從三昧起便即告故第三句法妙
第四句法師妙經无漏諸羅漢至願佛為解說贊曰下三頌
四衆疑有二初頌人聲聞无學有學之疑二頌緣覺等衆
願佛說疑喻如網羅生難出故猶豫者說文隴西謂太子為
猶人性多豫在人前故凡不决者謂之猶豫尔雅玄如麀善登
木郭璞健上樹也經於諸聲聞衆至為是所行道贊曰此
頌自疑自先得智為是果法為是因道若是果者所得已滿
今何所讚若是因者更欲趣求因所成故前說衆人於自所

得生決定心於佛說疑今者驚子无決定義於自所得亦
生疑或又前牒問於自猶定今重思慮於自所得亦有疑
故不相違經佛口所生子至時為如實說贊曰下頌請說
分二初二頌聲聞弟子請後二頌餘衆疑請此初也稟佛言教
聖道方起教從口出故名口生蘭異胎藏精血成故經諸天
龍神等至欲聞具足道贊曰頌餘衆疑請此土佛出无轉
輪王故說諸國轉輪王至具足道者大乘理故經今時佛告
至皆當驚疑贊曰下第二段有二初止後請此止也論下第四解
定記分記謂記別分明記別深密之義名為記別即十二部
經中名記別經有三記弟子謝往過去使失差別二授諸大
成佛記別三分明記別深密之義如下十二分教章中具說

此即第三記經也論云自下依四種事說一決定心二因授記三
取授記四与授記決定心者佛心本來已有決定之所為之由
此便有後止及說是以決定心論不配屬經通下文意故論云
何決定心已生驚怖者令斷驚怖為利益三種人故如來

有決定心驚怖有五損驚怖如所聞聲取以為實謗无大
乘而作是言如來說言阿羅漢究竟涅槃我畢竟取如是
涅槃是故阿羅漢不入涅槃此即決定種性聲聞之聲者所
聞放聲取之以證究竟實果我畢竟已取如是涅槃果已
究竟謗无大乘不堪聞今為說大乘若聞今說彼非究竟
即驚疑阿羅漢皆畢竟无入涅槃者返道疑生故名為損
二多事驚怖以大乘衆生之如是心我无量无边劫行菩薩

行生驚怖心起取異乘心故謂不定性地前菩薩住大乘
中已經多劫行菩薩行名為多事恐彼起心退趣異乘故
今為說令其不退三顛倒驚怖分別我之所身見不善
法故謂根未熟定性凡夫煩惱尤重不堪為說若為說者
更生煩惱顛倒驚怖四悔驚怖謂若為說大德舍利弗我
不應證如是小乘法自止小果歸向大乘即以悔心名為驚
怖五誑驚怖謂若為說增上慢者作如是說云何如來
誑於我等自謂道滿更无餘故聲聞有二定性二不定
性凡夫有三未得謂得二具重煩惱菩薩有二退位二不
退位定性聲聞即損驚怖不定聲聞即悔驚怖未得
謂得凡夫即誑驚怖具煩惱凡夫即顛倒驚怖退位菩

薩即多事驚怖不退位菩薩非此五中捨權就實欣趣佛位方為說一乘故此說一乘不退彼器論云正為利益二種人故如來有決定心謂多事及悔利益悔者引攝一類故利多事者任持所餘故今此唱止及下正說佛心先為此二人餘非正為即是十義說一乘中初二義也觀此文意多事二種不說有驚說即无驚自餘四種說即有驚不說无驚故論惣言已生驚怖令斷驚怖因授記者如經止不須復說乃至天人皆當驚疑即下二正文等是因應為聞者之二義不堪為聞者之退席故名為因授記皆生驚怖有三種義一欲令大衆推覓甚深境界故二欲令大衆生尊重心畢竟欲聞故此上是應為聞者之二義三為令增上慢離

法座而去故即是不堪為聞者之退席今此第二止但為
應為聞者之義第三止方為不堪聞法之退席其取授記
如經今時世尊告下即許可攝受許當為說是與授記者
如經佛告舍利弗下正為解釋一乘等是定記四中初決定
心唱止乃為說之所由次因授記但是止重請之所由取記
許為開釋與記正示陳說今言驚疑今為應聞者驚張
疑或推覓深法尊重欲聞經舍利弗至唯願說之贊曰
下第二請論云示現過去无量佛已教化衆生初長行後偈
頌長行有二^{玄贊三}過請^玄二堪聞此請也經所以者何至則能敬信
贊曰此堪聞有三因一遇良緣曾見諸佛二性聰黠諸根
猛利三解識真義智惠明了故能聞信經今時舍利弗

至有能敬信者贊曰此頌可知經佛復止舍利弗至將墜
於大坑贊曰下第三段有二初止後請止中長行及頌此初
也因不堪聞法者之退席也恐增上慢得世第四靜慮便
謂阿羅漢果而生誹謗當墮地獄名墜大坑此皆凡夫故
墜大坑非聖有學瑜伽論說一切聖人知自得果无自謂得
後位聖果增上慢故无邪見故更不造業入地獄故諸論所
言增上慢比丘得世第四靜慮後命終已由謗解脫起邪見
故生地獄中即此類也經尔時世尊至聞必不敬信贊曰法
妙難解下愚聞之起謗既不敬信所以恐墜大坑經尔時舍
利弗至多所饒益贊曰下第三請初長行後偈頌長行有
二初惣請後堪聞鴛子利根自知宿命亦能曉他往世

從釋迦已曾受化根成道滿聞必能信生死長夜安隱饒
益故今請說經今時舍利弗至唯垂分別說贊曰下四頌
中有三初一頌自稱長子以請決一頌半陳衆久從佛化以
請說後一頌半兼陳自他聞法悟解即生歡喜以請說此初
也佛於二足多是死是一切中算今云兩足算於三類中兩足
為貴能入道故謂人天類佛亦兩足故言兩足尊聲聞
衆中鷲子第一故名長子經是會无量衆至欲聽受佛語
贊曰此一頌半陳衆久從佛化宿因今孰故請佛說經我
等千二百至則生大歡喜贊曰此一頌半兼陳自他聞法歡
喜以請佛說經今時世尊至分別解說贊曰論第四段空
記分中自下第三取授記也許可攝受而為說之故論云取

受記者以舍利弗等欲得受記如經佛告舍利弗汝以三
請豈得不說等許攝受取故若依自抖下第三段四斯
實相啓彼摧門於中有二初明二記後五濁下方破四疑二
記為二初取記中有二初許可攝受後惡人退席此初也菩
薩地去夫聽法者聆音曜耳掃滌攝持智論亦言聽者
端視如飢渴三一心入於語義中踊躍聞法心悲喜如是之人
可為說端直審也若不誠彼羣情令其審聽恐心不定
惠解三不生故勅審聽經說此語時至礼佛而退贊曰下
惡人退席有四明去二明不止三使勅四敬諾初中復二初
標後釋此標也經所以者何至是以不住贊曰下釋起
去所由此自徵去難得有五得人身難二生中國難三具

諸根難四值佛出難五聞正法難五千之徒已具初四何
故將說妙法避席而起去耶此去之所以者何謂也今釋
有二意一罪根深重二有增上慢此輩者補配反羣黨也
說文軍法發車百兩為一輩廣雅寺端輩亦類也玉篇部
比類也罪者可毀可責可怖可厭之義若因若果可毀厭
者皆名為罪若依小乘此罪衆多重者有三煩惱障
二業障三異熟障一切煩惱惣為三類一數一起名勤一起而猛
名利分為四句一勤而不利二利而不勤三亦勤亦利四不勤
不利今取初及第三句名煩惱障五无漏業名業障三
塗八難名異熟障此之三障入聖道名為重罪今依大乘
障有二種一煩惱障二所知障者隨其所應障入大乘

聖位煩惱者隨其所應障入三乘聖位依佛地論煩惱障有三者一百廿八煩惱并隨煩惱二所發業三所得果此意所說是彼品類惣名為障非據重者依大般若重障有四煩惱障二業障三異熟障四法障煩惱障者一百廿八根本煩惱及彼等流諸隨煩惱隨其所應能障聖者皆名此障若具有者隨其所應彼障聖故業障者依薩遮尼乾子經有五種逆一破塔壞寺焚燒經像竊盜及用三寶財物二謗三乘法言非聖法障礙留難隱蔽覆藏三於一切出家人所若有戒无戒持戒破戒打罵訶責說其過失禁閑牢獄或脫袈裟逼令還俗責役驅使債其發調斷其命根故大集經言說一破戒比丘過出万億佛身血

四煞父害母煞阿羅漢出佛身血破和合僧五起大邪見謗无
因果長夜常行十不善業此去五種唯於大乘名五逆業
障亦有說七等不過此五所以不說異熟障者謂能障
聖道諸異熟果即三惡趣八无暇等其間佛前佛後難
應云法前法後是佛法前後不得聖故法障者謂於宿
世障他作善造匱法業於此生中不得聞法匱乏正法謂
五果中^{五賢三}流增上^梵三果所攝罪根深重者感匱法業是罪
根故現不聞法是罪體故即第四障也慢者玉篇輕侮也不
畏也倨也或為嫚字切韻欺為慢緩為嫚恃已陵他高舉為
相瑜伽等說慢有七種一慢二過慢三慢過慢四我慢五增
上慢六卑慢七邪慢初慢者謂於劣計已勝或於等計已

等過慢者謂於等計已勝或於勝計已等慢過慢者謂
於勝計已勝我慢者恃所執我高舉為相增上慢者已
實以德謂已多德卑慢者謂他多分勝已計已必劣他邪
慢者已全無德謂已有德今增上慢即是第五已實以德
謂已多德得世間涅槃禪定等故未多得謂多得未多證
謂多證得謂有為道證謂无為滅此是增上慢相非全未
得而今謂得若不尔者便非增上慢相乃是第七邪慢
相故有此煩惱障及前法障二種力故不堪聞法問五十
之輩既不堪聞何因目囑神光耳聞妙唱觀天花而晏然
觀地動而先驚答放光動地未草傭心演妙宣難便垂淺
意聞序中之問答為大漸之初因聽宗內之深陳乃增迷而

後謗所以折摧枝葉扇拂糟糠經世寡默然而不制止
贊曰三不止也默靜也俗作嘿止音諸市反非紙亦非音諸論
皆古有二決定佛力不排二受異熟決定二作業決定罪根深重
者受果定類增上慢者作業定類由此五千徒坐而起佛雖
神力亦不止之又乍可令去不墜大坑不可止之令興重業故
不止也彼若發心定業可轉其心不易佛力不排經余時
佛告至當為汝說贊曰三使勅也風驚樹落霜殞貞存
佛許說而驚其心振威神而令起去故以枝條退為佳唱
貞實住而許說輕薄虛疎故辭枝葉敦重堅固乃同貞
實佳音古腓反善好也腓音戶佳反南人謂腓腓也經舍利
弗欲至願樂欲聞贊曰四敬諾也唯音弋誰弋水二反敬諾之

詞然音如迅反順從之稱願樂為希解之意欲聞亦冀體之
心經佛告舍利弗至時一現耳贊曰下明與授記為之解釋
也論云有六種三未聞令聞此事文是二者說舍利弗諸佛
隨宜所說下是三者依何等義所以者何諸佛世尊唯以
大事下是四者令住舍利弗如來但以二佛乘故為衆生說
法下是五者依法舍利弗一切十方諸佛法亦如是下是六
者遮舍利弗十方世界中尚无二乘下是未聞令聞者歎
法希有顯令聞故說者明所說法意難知事依何等義
者謂未聞令聞及方便所說依何等義謂依佛所得深難
解法住者勸令來住二乘之中依法者十方三世佛所共行儀
軌法式初隨宜說意今久後取佛種智遮者遮破二執遮

遣三真今歎法希未聞今聞有三歎希二舉喻三勸信
此即初二此若頻說死智不欣時乃說之愚智同樂梵云
曇鉢羅此云瑞應金輪王出大海滅少金輪路現其花乃
生應金輪之御世名瑞應花此法花經法輪王出生死漸滅
一乘道顯方演說之故舉為喻歎法希有驚子往劫曾
所未聞今者欲聞今渴仰故經舍利弗至不虛妄贊曰此
勸信也智解局者未能證達故標不虛勸其生信經舍
利弗至意趣難解贊曰下第二段明說有二物標後釋此
標也經所以者何至乃能知之贊曰此釋也論釋種因緣
者謂三乘法彼三乘法唯名字章句說非有實義故以
彼實義不可說故此中意說我以方便說三乘法此法

唯有名字章句无別三辨隨宜說三非二乘等思量能解
唯佛能知說前標智門難了三乘實義即是真如不可
說故下依何等即佛智惠經所以者何至出現於世贊曰
自下文第三依何等義有二初略標後廣解此物也因前文
起故假徵顯有何所以言辭難解唯佛知也依何等義作
如是說諸佛世尊者惣苞十方三世諸佛唯以一大事者
事物躰事、義道理隨應皆得為此大事因緣所以出
現世間自稱德号廣利衆生不尔便如二乘入滅由此大事
故隨宜說意趣難解經舍利弗至出現於世贊曰下廣
釋有二初別顯後釋意別顯有三徵二釋三結此徵也經
諸佛世尊至出現於世贊曰此釋大事躰即知見諸佛

出世為此大事四義明之謂開示悟入等是論云彼一大事
者依四種義應知佛知見者如來能證如實知彼義故此
有三釋三云法性真如名為如實法真性故即是所證義理
境界俱名為義正智之解名為能證能知義理證真境
故即此能證正智及所證真如能所知見並名知見如為
知見之性智為知見之用知見性相俱稱知見无著般若論
云无上菩提是法身正等菩提是報身解深密經云菩提
斷俱名為菩提智度論云說智及智處俱名為般若故或知謂
正解智見謂後得智此二是用能照真俗二種境故此二本
性即是真如合名知見將性就相故名知見欲令二乘求
種智故勝鬘云乘即佛乘即大乘攝大乘云亦乘亦

大故名大乘万行是也或乘大性故名大乘真如是也故知
一乘佛果乘躰通理及智契當宗義大宅牛車意在智用
說牛車等我所作故除遠寶所意在智性穠化作城非寶
所故由此合二並名知見本論云何者為四開者无上義除二
切智、更无餘事一切智者佛也又言智者根本後得智
此二是用此二智性即是真如若用若性合名為智一切智人
之智名一切智、又一切智者根本智重言智者後得智
舉此二智攝於智性真如妙理又一切智者智用善提重言
智者智性溫醇也今顯此二悉皆无上歎勝令欣然此菩
提躰是有為本有種子多聞熏習因修生長躰即四智
楞伽經云阿梨耶識名空如來藏具足熏習无漏法故

名不空如來藏。識有漏虛妄不實。故名爲空。能含一切
无漏種。故名如來藏。四智種子。躰是无漏。非虛妄法。由
近善友。多聞熏習。漸次生長。當成四智。之因。名不空如
來藏。是含藏。因性義。故猶如種樹生長。圓滿其濕。麤
性躰。是无爲本來。而有自性清淨。後逢善友。斷障所
顯。雖一真如。逢緣證別名。四濕。麤勝。轉經云。有二種如來
藏。空智。謂若離若脫。若斷若異。一切煩惱。藏不離不脫
不斷不異。不思議如來藏。煩惱有漏。虛妄不實。能覆
真如。名空如來藏。濕。麤。无漏。躰。是无爲。非虛妄法。由近善
緣。斷諸煩惱。漸次智起。方便顯證。名爲濕。麤。躰。性。非空。因
空所顯。空之性。故煩惱覆位。名不空如來藏。是覆隱。因

性義故。在煩惱纏裹之位名如來藏。出煩惱時名為法
身。即此法身世因空而顯。空本性故亦名空如來藏。如刀提那
掘寶顯得阿賴耶識及諸煩惱名如來藏者。即涅槃云
未得世向稱多羅三藐三菩提時。善不善法皆名佛性。无垢
稱云為身種性。七識住貪欲。愚癡。十不善業道為如
來種。事文非一。故即前菩提名為報身。修身法身修顯
法身證因證故。報身生因生故。前藏有四。一能含藏。謂阿賴
耶識如庫藏等。二能生德藏。謂報身種子如穀種等。三能
覆藏。謂煩惱等如土覆物。四能顯德藏。謂法身佛性如
金性。等大位而言。所知障斷證佛報身菩提圓滿煩惱障
斷證佛法身涅槃。滿諸佛出世欲令眾生斷所知障及

所發業并所得果一切俱盡圓證菩提開知見相使得清
淨障盡智圓名清淨故欲令衆生斷煩惱障及所發業
并所得果一切俱盡圓證涅槃開知見性使得清淨障盡
理顯名清淨故緣此知見故出世間開者出生顯證之義出
生菩提顯證涅槃故除此二種更无餘事勝過二法故名无
上二示者同義以聲聞辟支佛之三乘法身平平等
者佛性法身无差別故涅槃經云譬如乳牛有種種色及
備其乳致之二處白色无異佛性亦尔衆生雖有種種不同
佛性无別此意說言三乘法身本來平等衆生不知不肯
修證法身圓滿諸佛出世欲示衆生此佛知見之性三乘同
有平等无二令同證滿以成法身三悟者不知義以一切聲

聞辟支佛不知彼真實處故不知真實處者不知究竟唯
一佛乘故如下有人至親友家醉酒而卧以无價珠繫衣裏
等彼初不覺後悟方知此意言二乘不知究竟唯佛乘體
即菩提四智所以不修報身圓滿佛出世者欲令衆生悟
於究竟唯此乘佛菩提智令修長生上來三種開者雙
顯法身報身涅槃菩提二種无上歎勝令欣示者別顯法
身涅槃三乘无二本來而有令其修證悟者別顯報身
菩提第一究竟本有種子今修果生俱明果中斷德智德
既證此三利樂衆生應物現形應機說法即是化身及他受
用名為恩德四入者為令證得不退轉地示現与无量智業
故上三愬別雖顯佛果无上同勝未知如何可能證獲今

顯能得之三因故名為入依此本論初地已上名不退地佛果立中

一切智三體用大故名无量智業者因也佛出為說初地已

上能得佛果一切智三因故名為入佛說此因欲令二乘有學

无學及初地上不退轉地入變易生修種智因觀察智住

入佛二果此四意言佛出世者欲令衆生斷三障盡開佛菩

提沮籛知見使證清淨歎二无上勸令欣故示法身同有令

使證故悟所不知唯二佛乘智智令備生故既顯佛果菩提

沮籛殊勝體性并顯其因令其趣入謂佛之出世意說二乘

若果若因令諸衆生修因證果皆作佛故更不為餘前歎

智之惠之門即是一乘教之与理今說行果故知趣說二乘四

法名為法花或不退者八地已上行不退故諸論說受變易

生故雖二乘迴心未即至彼地三乘俱同分決定得出分段死
入變易生故作是說又二乘者煩惱不退經三大劫俱名不
退地又二乘修行一乘若信若証若行今於此中皆令入故
並名不退或此果因一乘實體是前所說諸佛智惠其智
惠門即前所說三乘權教今二乘者捨權取實行一乘因趣
一乘果是此本意上來所說惣別果因以前四種准下三並
佛法之中不說初開唯說示悟入故知但應如此說善示悟
別顯二果已周不假標故舉此二種攝佛一切有為无為万
德盡故此方便品法說一乘唯為上根由此通弁若因若果
菩提涅槃以為一乘譬喻品中為中根者但說於悟牛車
菩提智德一乘由唯迷因智不迷因理果智理故化城喻品

為下根者但說於示寶所濕藤斷德一乘由迷果理不迷果
智因理智故各隨所宜斷除彼障令其進入偏說一乘或為
中下手說因果智理二門影顯今解唯此一品通明因果覺釋
一乘理義周備故本論中具解此品餘品但惣釋其大意不
異此故若解此品便解一部矣然勘下文牛車在果即是
菩提下文但明因中之智三乘以此至道場故又理雖然諸
經論中多說濕藤理性智惠以為一乘之本故如況量義
第二解云此四義惣依佛性法身智體以為一乘濕藤經
云大事者所謂佛性又畢竟有二在嚴畢竟二究竟畢
竟在嚴畢竟者謂六波羅蜜究竟畢竟者一切衆生所
得一乘者世即三是佛性以是義故我說一切衆生悉有一

乘无明覆蔽不能得見故知佛性即是知見即是一乘說諸
眾生悉有佛性名之為開曲宣分別名之為示與是法佛性
與是報佛性與是因性與是緣性與是理性與是行性與是善根
人性與是不善根人性等名示故涅槃云如貧女舍內多有真
金之藏家人大小无有知者時有異人善知方便乃至即於
其家掘出真金之藏女人見已心生歡喜生奇特想宗仰是
人善男子眾生佛性亦復如是一切眾生不能得見如彼金
藏貧女不知善男子我今普示一切眾生所有佛性善巧
方便即是如來貧女即是一切无量眾生真金藏者即佛
性也種々分別令其生解名之為悟勸物起修令其入證名
之為入若依此解譬喻品中牛車各与吾為汝造硬非與

藏第三解云其前三種即依佛果大般涅槃三事解之涅槃
經第二卷云我今當今一切衆生及以我子四部之衆悉皆
安住秘密藏中我亦須當安住是中入於涅槃何等名為
秘密之藏猶如伊字三點若並則不成伊縱亦不成如摩醯
首羅面上三目乃得成伊三點若別亦不得成我亦如是解
脫之法亦非涅槃如來之身亦非涅槃摩訶般若亦非涅
槃三法各異亦非涅槃我今安住如是三法為衆生故名
涅槃如世伊字此中意說梵本伊字上有二點下有一點似
倒品字並者橫也謂前後證綴者豎也謂有三品世說綴
橫即此豎並皆非伊字三點別安亦非伊字要三和合不
綴不橫亦不離別和合三點不二不異如大自在天面上三目

額上有一眉下各一佛入涅槃亦復如是摩訶般若者能證之智如來身者所證法身解脫者由能證智證所證理法身之時三障滅盡三死當來後有不續更无繫縛假名擇滅即是解脫故雜集云滅諦有三若能滅若所滅若滅性即是此三大般涅槃般若在上為能證道如額上目法身解脫並在其下是所證故猶如眉下所有兩眼以智證理今後或告皆住不生名入涅槃是佛安住秘密之藏不同二乘智乃生空不是大惠理但生空无我之理不名法身雖得或種及分段死必分不生是假擇滅不得習氣及智障滅分段變易二死俱盡之勝解脫如綬如璜非大涅槃身天智滅彼名為入无現身智何得稱大佛今不尔故名為大稱

為秘藏古人有解熱但依真如以為三事名大涅槃便无入義
常住不壞為利有情以智證真或苦解脫方名為入是
佛意故不同二乘无有身智名入故佛自言假使烏鵲乃
至永入於涅槃等今作此解善順彼經審讀經文久當自
悉當知摩訶般若即是開佛知見故論說言除一切智更
无餘事一切智者證二空智重言智者證諸有智此最勝
妙故名无上更无過故法身即是示佛知見故論說言三
乘平等佛等法身无差別故解脫即是悟佛知見二障俱
亡二死皆盡是真解脫二乘唯得二障一死盡滅无餘不知
於此故論說言二乘不知真實處故令其悟也上來三事
即是證入大般涅槃此必有因更說入義故論說示現不

退轉地與無量智業也佛出於世欲令三乘有情皆修不退地業安住秘密藏入大涅槃不為餘也此與涅槃名字雖殊體性无別一切皆欲行因證入佛果位故若作此解既契化城之趣寶所亦合火宅之御牛車一乘體德既曰大般涅槃法報二身正覺之與圓寂一懃攝周備亦何理而不殫今此三解唯取所詮智惠名曰一乘能詮之教門即次前說也隨宜所說意趣難解故又以蓮花喻於妙法必兼開敷之與秀出果秀因敷亦无乖爽然勝鬘等經及此下文多說真理以為一乘之本故實通二種於義苞盡開亦悟三明佛果乘入之種明佛因之乘之雖通三无数劫今此唯取第二劫後論說今證不退位故楞伽經

中十地分為三種意生身故如別章說又後品言聲聞緣
覺不退菩薩乘此寶乘直至道場勝鬘經言无明為
緣无漏業為因有阿羅漢辟支佛大力菩薩三種意生身
初地已前實居三界分段死中未出火宅猶在門中尚為
燒故不与二乘之名或八地後名不退地瑜伽論說八地後為
意生身故得決定故問二乘无學羊鹿果位亦居分段應
在門中如小菩薩應非出宅答談其分段應非出宅餘依
永滅已得涅槃名居門外不同於彼問何故二字趣於牛
羊鹿羖^三出宅^三太子趣於牛菩薩未出宅答二乘或種盡
得滅稱出宅初劫或猶行如何稱出宅又七地分段盡此
一生亦名出宅^玄二乘同故已前即非猶多生故如有學類故

出宅已方上牛車然此經文初開之中初懣標勝致使得
清淨之言後三別顯故略不說經舍利弗至出現於世贊曰
第三結經佛告舍利弗至示悟衆生贊曰此釋於前有何
意況衆生身中悉有佛性故所教化但化菩薩所為所作
常為此事唯以佛之知見示悟衆生論第二番釋示悟云又
示者為諸菩薩有疑者令知如實修行故謂有菩薩疑死佛
性不修行今示所作但化菩薩令知三乘同有佛性斷彼疑故
如實修行又悟入者未發菩提心者令發心故此解悟義已發
心者令入法故此解入義明因果盡又重釋悟者令外道衆生覺
悟收後入者令得聲聞果入大菩提故迴邪入正捨權趣實故